



A marca « Tàravu, una vaddi in làscita » hè a ricunniscenza è a sprissioni franca di una vaddi rimarchèvuli è putenti d'identità. Più cà un stampa, distingui pràtichi agrìculi, pruduzzioni artisgianali, attività à mezu à a natura è mostri culturali intinti da l'identità di 'sta tarra.

U quaternu di valori di a marca « Tàravu, una vaddi in làscita », rispechja i cuntrasti chì sò i punteddi stessi di 'sta tarra di primura è di stintu, induva a natura ferma salva è induva ani amparatu l'Òmini à accuppià tradizioni è innuvazioni in un prughjettu in cumunu di sviluppu è d'accolta.

Una tarra di prima trinca

Spassighjeghju in una vaddi chì ricala à inghjunu una pulifunìa di sfrumbulimi è di canti, di culori cambiarini è di prufumi cussì scarsi. Hè un screnu induva l'Òmu hà sempri vissutu è travaddatu rispittendu mi, ed eiu ni facciu altrettanti : ghjunghjendu a muntagna à u mari, via di muntagnera, ligami trà paesi, funta di vita è di i cuccagni d'unghji ghjornu, contu a storia di un pòpulu prisenti dipoi a prestoria.

Cussi nascini l'idei

Avendu u penseru di curà u so ambiu, i paisani di a mo vaddi si sò cuncertati da cunnoscia meddu ciò chì socu è, cussì tamanta a mo ricchezza, ani fattu nasci una brama cumuna par 'sta tarra induva l'Omu è a Natura, insemi, ani da sempri ricacciatu a so parti.

Da l'idea à u prughjettu

Prima ci hè vulsutu metta in risaltu u mo valori à i paisani chì, s'eddi u cunniscìani, ùn èrani micca à capu quant'eddu era scarsu. M'ani iscrittu com'è « Spaziu Naturali Sensibuli di Còrsica », è in più di quissa, un cumitatu scièntificu m'hà attribuitu una stampa « Fiumi Salvàtichi », distinzioni strasurdinaria par u caràtteru bilanciatu di a mo conca virsenti. Tandu, fieri d'avè mi prutetta, m'ani vistu com'è una trinca da metta in valori u tarritoriu è salvà ci a piazza di l'Omu.

Da u prughjettu à a vita

Travadda in banda l'aienti versu 'stu oghjettivu, ma s'impegnani contru à ciò chì mi minaccia è à prò di un acconciu beddu pinsatu di u spaziu. Appassiunati di Storia, piddati da a butànica, sughjetti in cerca di sensu è d'autenticità sbuscarani in a mo vaddi una stonda ùnica di scialu, di scontri è di scuparta è, podarsi un locu di campà sunniatu induva a più bedda di i làsciti si sprima.

Sputichezza Una vaddi in làscitae

Hè una tarra di tradizioni a vaddi di u Tàravu. Ferma mori stampata da u passatu. I stàntari di A Filitosa svèlani una prisenza umana chì veni da a prestoria. Trasmessa dipoi tempi passatoni, a muntagnera, l'agricultura è a pruduzzioni di carbonu di legnu sò i vistighi di una vita vicinu di a natura, in armunìa cù u rìtimu di i stagioni.

Cù ricchezzi minerali è vegetali, ricalendu una varietà tremenda di paisaghji fiurittati da furesti, prati, machja è piaghja, purtendu ci ogni ghjornu serenità è divizia, u Tàravu hà permessu à l'Òmini di campà par sèculi in armunìa cù a vaddi.



Par vìa di 'stu ligami cù u passatu è par l'affettu versu a natura dancia, ani sapiutu tandu mantena sapè-fà, un gàlabu è un modu di campà rimarchèvuli.. L'artisgianatu si manteni o rinasci: Cultelli, terrami, meli, castagni, salami, casgi, pianti arumàtichi sò tutti prudutti chì omu sparti cù l'amichi, trà ghjòvani è anziani ma dinò cù i visitadori. Perchè l'accolta è a spartera sò par sti lochi inradicati è sempri vivi. Omu hè fieru di un' identità accertata è sprimi a so voglia di fà scopri un tarritoriu spùticu.

A sfida di mantene e tradizioni vive hè guadagnatu oghje cù u desideriu aumentatu ricunniscenza è apertura à e novi attività chì rispettu pienamente u fiumu è i so abitanti.

A vaddi di U Tàravu pussedi una diveristà naturali è salvàtica tamanta è scunnisciuta : muntagni induva nasci u fiumi fin'à u mari, un mondu vivu chì spampilluleghja davanti à l'ochju di i giranduloni.

Hè un mondu attempu minerali è vegetali, fonta di vita in l'acqua è in celu, testimoniu di un bilanciu suttili, fràgili d'avè tanti ricchezzi.

Scarsi sò i tarritorii induva a biodiversità ribomba cù l'attività umana. Puri, l'Òmini di quì sempri ani sapiutu salvà l'ambiu, travaddà cù e grazia à eddu senza sottumetta lu. Di sicuru ùn ani mai piantatu di veda tutti i ricchezzi arrecati da u fiumi middeniu. È parchì l'ani curatu da prufittà ne cù rigiru, ani vistu ch'eddi èrani senza fini 'sti ricchezzi. Si sò scumbuliti cù i fiumari è da u so caràtteru, è da i so spondi ni ani ricacciatu: biddezza, cibu, calmu è libertà.

Hè da 'stu rispettu di a natura stessa di u Tàravu chì hè natu u sìntimu spartutu di un tisoru senza paragonu. A vaddi ricala brìsgiuli di culori è sfrumbulimi veraneschi à voli ni più, friscura è serenità statineschi, vedi squisiti è generosità vaghjimeschi, sìntimi arcaneschi è di putenza inguernali.



Naturalità

Una vaddi in libertà

Ricunnoscia i servizi resi da u Tàravu, rivindicà u rispettu di a natura è l'umiltà di pettu à u fiumi, appaghjà attività è naturalità, salvà è valurizà a biodiversità : cussì sò i principi di vita nantu à u tarritoriu.


Armunia Una vaddi bilanciata

Priservà sputichezza è naturalità, appaghjà attività è biodiversità, hè assicurà l'armunìa di u tarritoriu. Hè una tarra di cuntrasti a vaddi di U Tàravu, è ne hè u so cori u fiumi : trà muntagna è mari, trà Omu è natura, trà levi, trà passatu è avvena. Prima locu di muntagnera, U Tàravu s'afferma oghji com'è u punteddu di un sviluppu di u tarritoriu in u rispettu di a so identità.




Quandu inghjenia prughjetti di sviluppu stampati di mudernità è di tecnicità l'omu, soca sarà parchì sarà firmata una « biddezza addurmintata » chì a vaddi di U Tàravu s'hà tinutu i so ricchezzi è u so bilanciu. È hè sicondu 'sta armunìa chì ci spùntani è ci stani i facendi : un' agricultura diversa favurizata da l'acqua in divizia è da a tarra fruttiva, un artisgianatu di tradizioni.


Passi di girandulati, parcorsi di pesca, lochi di bagnu, stondi d'avvinturi par i chjuchi è spampiddera par i maiori, sò dinò i punteddi di un turìsimu verdi appaghjendu accolta, gastronomìa, arti cuntempuràneu è arti prestòricu, quant'è di sicura a scuparta di a natura.



Fiumi salvàtichi di cuntorni tènderi è tumultuosi. Locu di scontru è di ligami di u tarritoriu.




Sèculi dopu à sèculi, Sbuccera di a biddezza naturali, magnìfica





Da a petra à u graneddu di rena, Pazienti dissegni d'acqua, parechji, abbacciacanti





Fusioni trà Omu è materia, un arti di campà middeniu



Toru d'acqua è di legnu


Campà insemi felici, natura generosa








Arradichera è tradizioni, solchi di caràtteru è d'eternità









Cuntorni suspesi, ponti trà l'Òmini curendu a vaddi.












Serenità è libertà, Murmuri dolci è zirlimi.








Spartera è cunvivialità, prudutti di tradizioni è stondi franchi.



Scuperta è spannata, ebrezza di a natura salvàtica.



In cor' à a vaddi, un màzzulu schiettu schiettu.







Una fiara mantinuta, Un ànima curata











Diversità di formi è di culori. Si nascondi a biddezza in i ditagli





Agrottu di un bistiami numarosi, ricchezza offerta à i becchifini di a natura, ogni sensu attenti.




L'acqua, a tarra, a mani di l'omu.

Adduniti par u sempiternu.




Rìtimu di a natura, Fiatu di a tradizioni.



Bilanciu è ligerezza. U rispettu ci porta in celu.







U tempu, in cuncolta cù a vita, a vaddi è l'Òmini.

